

Bilûra Şivan  
Bandora )  
mûzîkê liser  
mexlûqatan,

# heywan jî (têda

Helbest:  
Meho Kendal  
2006

Du se hebû hewşê da  
Mîna hev bûn rewşa da

Yek Bazin bû yek Belek  
Deng dedixistin gelek

Me jî hebû pir heywan  
Me dadikir wan şevan

În û gom û dûrûnge  
Şivanê mej bidenge

Bi roj diçe ew çola  
Bi şev jî tê nav mala

Berx û golik û karan  
Pez û hogiç û beran

Dîk û mirîşk û qazan  
Ga û çêlek û keran

Hesp û mehîn, werdekan  
Elok, çûk û kaviran

Ceh û genim û gîya  
Nan û hestî û denka

Hanî danî ber wana  
Xwe rizgar kin ji jana

Buxun têt bin heya şev  
Dev jê berdîn hûn jî gef

Paşê nîvê şevê da  
Di şîrînya xewê da

Heko hinik bikalîn  
Yan jê hinik biwerin

Ez jê hînga ranabim  
Dengê we jê guh nadim

Zarê gund jê bi daşqa  
Ketibûn pey hunuşqa

Bi laqirdî û heneka  
Dest avêtin kêleka

Hiqas kenyan bi hev ra  
Hêsir davît jî çev ra

Gazî kirin Şivano  
Na welle Bilûrvano

Nebi tu jî dîn bîyê  
Tu çi dikî ew çiyê

Xeber didî bi kêra  
Şîret dikî ji wan ra

Ewan hemû heywanin  
Tu nizanî nezanin

Dengê te jî dibîzin  
Li ser erdê dimîzin

Ser çevê xwe mêzeki  
Vezna hinik zêdeki

Destê te wa qelişî  
Çoka te jî herişî

Tu li ber tavê reş bûyî  
Hinik car nexaş bûyî

Tu çi ji wan dixwazî  
Hema wan dikî gazî

Zimanê wan ne ewe  
Qebe qeb jî ya Kewe

Şivan ser kevra da rûşt  
Lêva xwe jî bi av şûşt

Bilûra xwe jî dexist  
Bîna xwe jî têda xist

Gelik dengê xaş û rind  
Belav bûn jî nava gund

Zar jî daşqe avêtin  
Dengê gavê wan têtin

Bela ji wan dûrbîtin  
Hemûj pêxas û zîtin

Gotin Şivan tu lêxe  
Dengê tej mîna berxe

Şivan û zar rûniştin  
Hemû ce hev teniştin

Dengê me û ma û be  
Xidinîka dide we

Tu mêzeki mirîşka  
Hêka dikin ji nîşka

Beroş dênin bin bizin  
Ruvî tiştik nadizin

Heşir ket nava wan da  
Se dilîstin nav wan da

Yek hêk dike yek dizê  
Yek şîr dide yê bizê

Meqes bavêje hirya  
Mîna canê perîya

Hiqas nerm û xaşikin  
Wekî qaza nazikin

Ber wê deng û awazê  
Nika xaş tê tu razê

Dona wan hemû helya  
Gošta wan jî diqelya

Hespan hemû dibezin  
Balakê wan çi nazin

Te dît bilûr çi diki  
Mexlûqatê şa diki

Paşê her roj wan zaran  
Rûdiniştin wek caran

Şivan bilûr dedixist  
Ruhê xwe jî ser dixist

Berav dibûn bin daran  
Zar û şivan û garan

Xidinêk didane hewran  
Ta ku bibare baran

Timotim car wan yaran  
Ûra bijîn bi salan



